

明紅絲
欄鈔本

百

家

詞



鳴鶴餘音

雍虞集伯生

蘇武慢

十二首

全真馮尊師本燕趙書生游汴遇異人
得仙學所賦歌曲高潔雄暢寂傳者蘇
武慢廿篇前十篇道遺世之樂後十篇
道遺世之樂會稽費無隱獨善歌之聞
者有凌雲之思無復流連光景者矣予
山居每登高望遠則與無隱歌而和之
無隱曰公當爲我更作十篇居兩年得
兩篇半殊未快意也昭陽協洽之年當
嘉平之月長兒之官羅浮余與客清江

趙伯友臨川黃觀我陳可立游東叔吳
文明平陽李平幼子翁歸汎舟送之水涸轉鄱陽湖
上豫章遇風雪十五六日不能達三百里清夜秉燭
危坐高唱二三十夕間得七篇半每一篇成無隱即歌
之馮尊師天外有聞能乘風爲我一來聽耶明春舟
中又得二篇併無俗念一首後三年仙游山彭致中
取而刻之與瓢笠高明共一咲之樂也道園道人虞
集翁生記

自咲微生凡情不斷輕棄舊磯垂釣走馬長安聽鶯
上苑空負洛陽年少玉殿傳宣金鑾陪宴屢草九重
丹詔是何年夢斷槐根依舊一簑江表

天賜我萬疊雲屏五湖煙浪無限野猿沙鳥平明紫

閣日晏玄洲晞髮太霞林杪蒼龍騰海白鶴衝霄顛
倒一時俱了望清都獨步高秋風露洞天初曉

其二

掃盡風雲綽開塵土落得半丘藏拙青松爲蓋白石
爲床一切物情休歇幾度蓬萊布袍長劍閒對海波
澄澈是誰家酒熟仙瓢邀我共看明月歸去也玉宇
寥寥銀河耿耿鐵笛一聲山裂三花高擁九炁彌羅
縹緲泰清瑤闕手把芙蓉凌空飛步今夜幾人朝謁
便翻身此斗爲杓偏散紫甌香雪

其三

山月來時海風不動平地玉樓瓊宇挂子飘香露華
如水自按洞簫如縷杳杳冥冥冷冷瀝瀝青鳥解傳

芳語太微中，鸞鶴相求盡。是舊時真侶，君聽取列。
豹重關，鼓雷千吏。天界更間聊住。閑今古，看空山
一色杳杳，何意斷雲殘雨。

其四

皓月清霜釣舟如葉，閒渡小溪澄碧。銀漢無聲玉虹
橫野，斗柄正垂天北。半幅烏紗數根華髮，一網野鳬
飛舄。問回仙城南，老樹能見幾何今昔。西華頂十
丈高花，九天秋露結就翠房瑤實。脫屣非難，凌空何
遠。三咽雪融冰液，辟穀神方。餐霞真訣，一去更無消
息。咲人間長住虛空，誰侶一輪紅日。

其五

放擢滄浪落霞殘照，聊倚岸迴山轉。乘鴈雙鳬斷蘆

漂蒿身在畫圖秋。晚雨送灘聲。風搖燭影，深夜尚披
吟卷，筭離情。何必天涯咫尺路，遙人遠，空自咲洛
下書生。襄陽耆舊夢底幾時曾見，老矣浮丘賦詩明
月千仞。碧天長劍，雪霽瓊樓春生。瑤席容我故山高
燕待，鷄鳴日出，羅浮飛度海波清淺。

其六

對酒當歌，無愁可解，是個道人標格。好風過耳，皓月
盈懷，清淨水聲山色。世上千年山中七日，隨處慣曾
爲客。盡虛空北斗南辰，此事有誰消得。曾聽得碧
眼胡僧布袍滄海，直下釣絲千尺，製取鯨魚風雷變
化。不是等閑奇特。寒暑相推，乾坤不用歷劫，不爲陳
迹。可憐生忘却高年長伴，小兒嬉劇。

其七

憶昔坡仙夜游赤壁孤鶴掠舟西過英雄消盡身世
茫然月小水寒星大何似漁翁不知今古醉傍蓼花
燃火夢相逢羽服翩翩未必此時非我誰解道歲
晚江空風帆目力橫槩賦詩江左清露衣裳晚風洲
渚多少短歌長些玉宇高寒故人何處渺渺予懷無
那嘆乘桴浮海飄然從者未知誰可

其八

十載燕山十年江上慣見半生風雪對雪無舟無雪
無雪不遇並時高潔斷港殘沙今茲何夕一侶剡溪
歸越但掀蓬數尺梅花人跡鳥飛俱絕君不見五
老危巔浮丘絕頂咲我早生華髮返老還童易鹿爲

妙定有九還丹訣霽景浮空天光眩海一體本無分
別便堪稱六一仙公千古太虛明月

其九

歸去來兮時非今是惆悵獨悲奚語迷途未遠晨景
熹微乃命導夫先路風颺舟輕候門童稚此日再瞻
衡宇酒盈尊三徑雖荒松菊宛然如故

聊寄傲與世相違舊交俱息更復駕言焉取琴書情
話尋壑經丘倦鳥岫雲容與農人告我有事西疇孤
狸賦詩春雨但樂夫天命何疑棄化任渠留去

其十

六十歸來今遇七十感謝聖恩嘉惠早眠晏起渴飲
飢餐自己了無星事數卷殘書半枚破硯聊表秀才

而已道先生快馬能吟且是去之遠矣 沒尋思枉
个青藜鞭雙芒屨走去渡頭觀水逝者滔滔來之袞
袞不覺日斜風細有一漁翁蓊然相喚你在看他甚
底便扶携穿起鮮魚博得一尊同醉

其十一

一徑通幽画屏橫翠行到白雲深處世外蟠桃井邊
嘉橘別有種萱瑤圃檀板輕敲素琴閒弄奉獻鳳膏
麟脯舞翩翩鶴髮飄飄仍似舊時仙母 君看取華
屋神仙滿堂金玉此是堪謁朝暮五色蓬萊九秋鵬
鶚別有出身之路酒熟麻姑雲生巫峽稽首洞天歸
去任海波清淺無時何處綠窓雲戶

其十二

雲淡風輕傍花隨柳將謂少年行樂高閣林間小車
城裏千古太平西洛瞻彼泱泱言思君子流水儼然
如昨但清遊天際輕陰未便暮愁離索長記得童
冠相隨浴沂歸去吟咏鳶飛魚躍逝者如斯吾衰甚
矣調理自存斟酌清廟朱絲舊堂金石隱几侶聞更
作農人二合告我我有事西疇窈窕掛書牛角

無俗念

十年窓下見古今成敗幾多豪傑誰會誰能誰不濟
故締數行明滅亂葉西風遊絲春夢轉轉無休歇爲
他憔悴不知有甚干涉寥寥無住閒身盡虛空界
一片中霄月雲去雲來無定相月亦本無圓缺非色
非空非心非佛教我如何說不妨蛙步蟾蜍飛上銀

闕

鳴鶴餘音畢

附錄馮尊師

二十首

蘇武慢

飯了從容消閑策杖野望有何憑伏帆歸遠浦鷺立
汀洲千樹好花微放芳草池塘錦江樓閣隱隱雲埋
青嶂向東郊極目天涯不見故人惆悵歸去也翠
麓崎嶇林巒掩映消遣晚來情況幽禽巧語弱柳搖
金綠影小橋清響揮掃龍蛇領略風光陶寫丹青吟

唱這雲山好景物外煙霞幾人能訪

其二 終焉

返照迴光終焉沽計何處可爲依託凋零鄭圃竹塢
松溪林下勝遊行樂霞友雲朋水色山光幽隱煙蘿
巖壑更堂堂氣槩摩天一點浩然寥廓堪愛處蝶戲
花稍苔生石徑風細日高簾幙清虛器量咀嚼乾坤
高邁市朝歡約疎葛寬裁瘦玉橫拖嘯傲東籬吟酌
把真情欲寫奈何塵世故人蕭索

其三 歸閑

識破塵寰凡寵跳出飄蕩幸無拘束萍蹤自在雅操
孤高還若野雲麋鹿遇坎乘流混俗和光知止有何
榮辱恣陶陶海上人間不管歲華催促從此後筆硯

生塵蠅哇絕念安分翠微雲屋般般放下事事都休
靜對小軒梅竹一味踈慵萬古淳風便是真常清福
任羣情晝夜世路奔波競爭蠶觸

其四

得悟

夢斷槐宮倚天長嘯勘破物情今古擔簦映雪射虎
誅龍曾把少年身悞金谷繁華漢苑秦宮空有落花
飛絮嘆浮生終日忙忙誰肯死前回顧爭似我玉
塵清談金徽雅弄高卧洞天門戶逍遙畎畝肆任情
懷閑伴蓼汀鷗鷺收拾生涯紫螭黃柑江上一簑煙
雨醉歸來依舊蘆花深處月明幽浦

其五

通真

試問禪關參求無數往往到頭虛老磨磚作鏡積雪

爲糧迷了幾多年少毛吞大海芥納須彌金色頭陀
微咲悟時超十地三乘凝滯四生六道誰聽得絕
相巖前無陰樹下杜宇一聲春曉曹溪路險鷺嶺雲
深此處故人音宵千丈水崖五葉蓮開古殿簾垂香
裊兌葛藤叢裡老婆遊子夢魂顛倒

其六

明道

出世登真須憑剗志決要頓開靈慧消塵止念絕愛
忘憂恬淡自然知味雷震一聲火發三田半夜鳥飛
千里透簾悟鉛昇溫溫恣飲玉壺香膩堪下手策
鳳攀鸞意金間木遊賞洞房佳瑞傾光吐秀塞海衝
山真氣遍充天地秉履風摘騎日月不比尋常兒戲
把玄珠收取大羅歸去聖賢同域

其七 施設

大道幽深如何消息說破鬼神驚駭挾藏宇宙剖判
玄元真樂世間無賽靈鷲峯前寶珠拈出明顯五般
光彩照乾坤上下羣生知者壽同山海最至極翠
靄輕分瓊花亂墜空裏結成雲蓋金身玉骨月帔星
冠符合水晶天籟清淨門庭聖賢風範千古儼然常
在願學人達此希夷微理共遊方外

其八 退藏

避世安時同塵處順淵默至人誰識鶉居鷺食薺逕
蘿龕深蜜養廉寧極浮定有宜出入無方逆順神機
難測樂簞瓢咲傲林泉未肯折腰形役當此際隼
几松軒唇歌舌彈渴飲玉壺春色一懷皓月兩袖清

風真箇个中消息方外生涯靜中意味不許等閒攀
摘待迷雲吹散玉繩高潔自知端的

其九

堪歎羣情迷津宛轉飄蕩甚時休歇爭頭競角抵死
漫生一向戀家貪業利鎖名韁慾浪恩山酒市花衢
顛魔騁儻儼似蟻循環不念鬢華如雪誰肯向大
朴林中無爲鄉裏閑伴老聃莊列珠獲罔象夢斷華
胥高枕洞天日月三界廓然八表冲虛湛湛靈光通
徹這逍遙劫外妙哉真樂世間難說

其十

過隙年光如毛塵事暗把物情移換浮生擾擾背覺
隨塵酒色利名榮絆憑君看取歷代英雄楚越周秦

唐漢謾遺留壞塚頽碑千古是非不斷
聞早悟碧玉壺中白雲堆裏別有翠霞宮殿三天雅會五彩光
攢朝赴紫微瓊宴閨苑瑤池絳闕清都信任逍遙游
翫咲愚頑苦海敗骨無休往來流轉

其十一

悟入曹溪鶴冲霄漢雲水道人活計臨川舉檝對境
擲鉤滂瀝錦鱗紅鯉風送漁舟透入雙峯影裡駭然
明霽見煙霞極目金丹一粒貴珍難比
玄妙處太
一含真玄元成象昇降箇中無滯堅持九載志鍊三
千精進五華瓊液都在靈源洞徹神光真境了然超
彼這長生久視天機深奧上仙真理

其十二